



Co-funded by
the European Union
Interreg

U vezi sa realizacijom aktivnosti iz projekta GenProcure („Rodna inkluzija u javnim nabavkama“) koji se finansira iz Programa Evropske Unije Interreg URBACT IV 2021-2027 (ID Ref. 20317) i u kojem Stručna služba za razvoj i međunarodne projekte predstavlja partnera za realizaciju projektnih aktivnosti na području Zeničko-dobojskog kantona, a zbog ukazane potrebe za zaključivanje ugovora, Stručna služba za razvoj i međunarodne projekte, dana 20.06.2023. godine, objavljuje:

**JAVNI POZIV
za dostavljanje ponuda za pružanje vanjskih stručnih usluga fizičkih lica za realizaciju
aktivnosti iz projekta GenProcure**

Angažovana lica će, kao vanjski saradnici, raditi na poslovima i zadacima koji se odnose na realizaciju aktivnosti iz sljedećih radnih paketa (RP):

RP 1 – „Upravljanje Mrežom“

- finansijsko-administrativno upravljanje, priprema finansijskih podataka i informacija, praćenje finansijske učinkovitosti i efikasnosti;
- upravljanje, koordinacija, nadzor, interna komunikacija, opći interni sastanci i planiranje, doprinos pripremi planova općeg upravljanja i upravljanja kvalitetom;
- komunikacija i distribucija informacija, doprinos pripremi i realizaciji plana komunikacije i distribucije informacija, doprinos izradi i distribuciji promotivnog materijala, nadzor provedbe aktivnosti i dostizanja indikatora iz plana komunikacije.

RP 2 – „Aktivnosti na nivou Mreže“

- doprinos uspostavi zajedničkog pristupa problemima i različitostima među članovima Mreže;
- identifikacija oblasti u kojima se javljaju problemi i konsolidacija dijelova Mreže kroz izgradnju zajednice;
- doprinos izradi osnovne studije i mape puta koja sadrži opis aktivnosti i metodologiju razmjene i učenja;
- analiza političkih izazova i implementacija metodologije za razmjenu i učenje;
- primjena URBACT metodologije kako bi se optimizirali digitalni procesi i usluge te približili svim kategorijama društva;
- doprinos širenju Mreže, njenih praksi i iskustava;
- doprinos izradi plana za komunikaciju i primjenu praksi u drugim mrežama;
- učešće i stručni doprinos periodičnim sastancima partnera Mreže.

RP 3 – „Aktivnosti na lokanom nivou“

- primjena URBACT metodologije na formiranje lokalnih grupa koje će učestvovati u Mreži;
- doprinos na izradi osnovne studije i mape puta za URBACT lokalnu grupu;
- učešće i stručni doprinos na sastancima URBACT lokalne grupe;
- doprinos u testiranju akcija malog obima koje provjeravaju relevantnost, izvodljivost i dodatnu vrijednost mreže
- doprinos realizaciji obuke – sesija za aktivno učenje;
- doprinos realizaciji radionica za izgradnju kapaciteta, webinaru, procesa dizajniranja novih ideja;
- doprinos pripremi Integrisanog akcionog plana;
- doprinos izradi plana za komunikaciju i primjenu praksi u drugim lokalnim zajednicama;
- doprinos objedinjavanju i dijeljenju rezultata Mreže.

Pored općih uslova (da je državljanin BiH, da je punoljetan, da ima opću zdravstvenu sposobnost za obavljanje poslova, da u posljednje dvije godine od dana objavljivanja poziva nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX. 1. Ustava Bosne i Hercegovine), kandidat treba da ispunjava i sljedeće **posebne uslove**:

- a) završen fakultet društvenog ili tehničkog smjera, što dokazuje kopijom diplome,
- b) odlično poznavanje engleskog jezika, što dokazuje kopijom potvrde,
- c) iskustvo na implementaciji projekata finansiranih iz EU programa, što dokazuje kopijom potvrde ili ugovora o ranijim poslovima sklopljenim sa naručiocem posla. Iskustvo u projektima finansiranim iz EU Programa transnacionalne saradnje (MED, Adrion, Danube) će se smatrati kao posebna prednost.

Kandidati treba da dostave prijavu sa sljedećim prilogima:

- biografija,
- dokazi o ispunjavanju navedenih posebnih uslova,
- ukupna neto cijena usluge za period angažmana po satu.

KANDIDATI U PRIJAVI OBAVEZNO TREBAJU NAVESTI RADNI PAKET ZA KOJI SE PRIJAVLJUJU.

**Prijave je potrebno dostaviti Stručnoj službi za razvoj i međunarodne projekte ZDK
adresa: Kučukovići 2, 72000 Zenica ili na
e-mail: sluzba.razvoj@zdk.ba**

Ovaj javni poziv ostaje otvoren do kraja implementacije projekta (decembar 2025.)